




# LAPORAN LIPUTAN MEDIA

**KHAMIS / 29 FEBRUARI 2024**



Disediakan Oleh :  
Cawangan Komunikasi Korporat



# TAJUK BERITA



- 1. PROGRAM KURANGKAN KEBERGANTUNGAN BAWANG IMPORT DILAKSANAKAN - SINAR HARIAN**
- 2. 100 HEKTAR KAWASAN TANAM BAWANG - HARIAN METRO**
- 3. KPKM OPTIMIS DAPAT KEMUKA PENYELESAIAN ISU PADI, BERAS - HARIAN METRO**
- 4. PROGRAM TANAMAN BAWANG NEGARA USAHA KURANG IMPORT - KOSMO**
- 5. GOVT TRYING TO SLICE RM1.5BIL ONION IMPORT BILL - NEW STRAIT TIMES**





GAMBAR bertarikh 28 Ogos 2023 menunjukkan Mohamad (kiri) meninjau tanaman bawang hasil inovasi MARDI di MAEPS Serdang.

## Program tanaman bawang negara usaha kurangkan import

**KUALA LUMPUR** – Kementerian Pertanian dan Keterjaminan Makanan (KPKM) melaksanakan program pembangunan tanaman bawang melibatkan dua fasa dalam memenuhi matlamat mengurangkan import bawang ke negara ini.

Menterinya, Datuk Seri Mohamad Sabu berkata, fasa pertama iaitu prakomersial bertujuan melihat potensi penanaman bawang kecil di Malaysia melibatkan tempoh pelaksanaan selama dua tahun bermula 2024 sehingga 2025.

"Sebanyak 70 tan metrik benih bebawang kecil dan 230 kilogram (kg) biji benih bawang kecil akan dibekalkan oleh Institut Penyelidikan dan Kemajuan Pertanian Malaysia (MARDI) dalam fasa ini.

"Bagi program penanaman, seluas 100 hektar kawasan penanaman bawang akan dibangunkan iaitu 50 hektar pada 2024 dan 50 hektar pada 2025 dengan jangkaan hasil pengeluaran sebanyak lima tan metrik per hektar.

"Penanaman bawang ini boleh dilaksanakan sebanyak dua kali setahun. Dijangkakan pengeluaran bawang bagi fasa ini adalah sebanyak 1,000 tan metrik," katanya pada sidang Dewan Rakyat semalam.

Jelasnya, bagi fasa kedua iaitu komersial, tempoh pelaksanaan selama lima tahun iaitu bermula pada 2026 hingga 2030.

"Seluas 1,347 hektar kawasan penanaman bawang akan dibangunkan dengan jangkaan hasil pengeluaran sebanyak 14,470 tan metrik. Ini akan dapat memenuhi keperluan tempatan sebanyak 30 peratus pada 2030.

"Pada masa ini, penanaman bawang kecil telah dimulakan di kawasan Pertubuhan Peladang di Perlis dan Selangor seluas 1.2 hektar dan di Ladang Bikam, Perak seluas satu hektar. Penuaian pertama adalah dijangka pada April 2024," jelasnya.

Mohamad berkata demikian ketika menjawab pertanyaan Datuk Idris Ahmad (**PN-Bagan Serai**) berhubung strategi KPKM dalam memenuhi matlamat untuk mengurangkan import bawang sebanyak 30 peratus ketika ini.

Dalam pada itu, beliau berkata, buat masa ini pihak kementerian memberi fokus kepada pembangunan tanaman bawang kecil sahaja memandangkan bawang besar dan bawang putih tidak boleh ditanam di Malaysia disebabkan keadaan iklim.



# 100 hektar kawasan tanam bawang

**Kuala Lumpur:** Program Pembangunan Tanaman Bawang yang dilaksanakan secara berfasa tahun ini hingga 2030 dijangka dapat mengurangkan import bawang negara 30 peratus, kata  **Menteri Pertanian dan Keterjaminan Makanan Datuk Seri Mohamad Sabu**.

Menurutnya, program berkenaan akan dilaksanakan dalam dua fasa iaitu fasa prakomersial bermula tahun ini hingga tahun hadapan dan fasa komersial pada 2026 hingga 2030.

Fasa prakomersial katanya, bertujuan menerokai potensi penanaman bawang kecil di Malaysia dengan 70 tan metrik benih bebawang kecil dan 230 kilogram (kg) biji benih bawang kecil akan dibekalkan oleh pihak Institut Penyelidikan dan Kemajuan Pertanian Malaysia (Mardi).

Menurutnya, kawasan penanaman bawang seluas 100 hektar dibangunkan dengan jangkakan hasil pengeluaran lima tan metrik per hektar dalam fasa pra-

komersial itu.

“Penanaman bawang ini boleh dilaksanakan dua kali setahun. Dijangkakan pengeluaran bawang bagi fasa (prakomersial) ini 1,000 tan metrik,” katanya pada sesi soal jawab di Dewan Rakyat semalam.

Beliau menjawab soalan **Datuk Idris Ahmad (PN-Bagan Serai)** meminta perincian usaha Kementerian Pertanian dan Keterjaminan Makanan (KPKM) mengurangkan import bawang 30 peratus.

Mengulas lanjut, Mohamad berkata, fasa komersial program itu pula akan membabitkan pembangunan kawasan seluas 1,347 hektar dan dijangka menghasilkan sebanyak 14,470 tan metrik bawang.

Beliau berkata, program berkenaan hanya akan membabitkan tanaman bawang kecil kerana Mardi masih belum menjumpai varieti bawang besar dan bawang putih yang sesuai untuk ditanam di Malaysia.



## KPKM optimis dapat kemuka penyelesaian isu padi, beras

**Bangi:** Kementerian Pertanian dan Keterjaminan Makanan (KPKM) optimis dapat mengemukakan cadangan dan perincian bagi mencari penyelesaian isu padi dan beras negara pada 20 Mac ini seperti yang diarahkan Perdana Menteri Datuk Seri Anwar Ibrahim.

Menteri Pertanian dan Keterjaminan Makanan Datuk Seri Mohamad Sabu berkata, KPKM akan beker-



*KPKM akan bekerjasama dengan kementerian lain untuk mendapatkan pandangan sebelum memuktamadkan sebarang cadangan"*

**Mohamad**

jasama dengan kementerian lain untuk mendapatkan pandangan sebelum memuktamadkan sebarang cadangan.

"Isu padi dan beras, kami tidak boleh bertindak silo, bukan saja KPKM, ia mesti dengan Kementerian Perdagangan Dalam Negeri dan Kos Sara Hidup, Kementerian Kewangan, Kementerian Ekonomi dan Kementerian Kemajuan Desa dan Wilayah kerana

sebarang pengumuman itu akan bersangkutan dengan beberapa kementerian lain.

"Sebab itu bila kami nak buat sesuatu macam apungkan harga ayam, kami berbincang termasuk dengan penternak, pengedar, penjual dan akhirnya baru diumumkan kami apungkan harga ayam.

"Jadi, semua pihak dalam pengetahuan mereka. Begitu juga dengan harga be-

ras, ia lebih rumit kerana bersangkutan dengan beras import, beras putih import, beras putih tempatan, beras beriani (basmati) dan sebagainya," katanya selepas menghadiri Simposium Peladang Muda Nasional 2024 Sempena Ulang Tahun Lembaga Pertubuhan Peladang (LPP) ke-51 di sini malam kelmarin.

Di samping itu, Mohamad berkata KPKM akan

mengadakan perbincangan bersama agensi terbabit terlebih dahulu sebelum turun ke bawah untuk mendapatkan maklum balas daripada pihak berkepentingan seperti pesawah, pengilang dan sebagainya.

"Ada yang tanya, adakah selesai segala-galanya 20 Mac ini? Tidak, ini langkah awal dan kami akan lihat dari pelbagai aspek," katanya.





GAMBAR bertarikh 28 Ogos 2023 menunjukkan Mohamad (kiri) meninjau tanaman bawang hasil inovasi MARDI di MAEPS Serdang.

## Program tanaman bawang negara usaha kurangkan import

**KUALA LUMPUR** – Kementerian Pertanian dan Keterjaminan Makanan (KPKM) melaksanakan program pembangunan tanaman bawang melibatkan dua fasa dalam memenuhi matlamat mengurangkan import bawang ke negara ini.

Menterinya, Datuk Seri Mohamad Sabu berkata, fasa pertama iaitu prakomersial bertujuan melihat potensi penanaman bawang kecil di Malaysia melibatkan tempoh pelaksanaan selama dua tahun bermula 2024 sehingga 2025.

"Sebanyak 70 tan metrik benih bebawang kecil dan 230 kilogram (kg) biji benih bawang kecil akan dibekalkan oleh Institut Penyelidikan dan Kemajuan Pertanian Malaysia (MARDI) dalam fasa ini.

"Bagi program penanaman, seluas 100 hektar kawasan penanaman bawang akan dibangunkan iaitu 50 hektar pada 2024 dan 50 hektar pada 2025 dengan jangkaan hasil pengeluaran sebanyak lima tan metrik per hektar.

"Penanaman bawang ini boleh dilaksanakan sebanyak dua kali setahun. Dijangkakan pengeluaran bawang bagi fasa ini adalah sebanyak 1,000 tan metrik," katanya pada sidang Dewan Rakyat semalam.

Jelasnya, bagi fasa kedua iaitu komersial, tempoh pelaksanaan selama lima tahun iaitu bermula pada 2026 hingga 2030.

"Seluas 1,347 hektar kawasan penanaman bawang akan dibangunkan dengan jangkaan hasil pengeluaran sebanyak 14,470 tan metrik. Ini akan dapat memenuhi keperluan tempatan sebanyak 30 peratus pada 2030.

"Pada masa ini, penanaman bawang kecil telah dimulakan di kawasan Pertubuhan Peladang di Perlis dan Selangor seluas 1.2 hektar dan di Ladang Bikam, Perak seluas satu hektar. Penuaian pertama adalah dijangka pada April 2024," jelasnya.

Mohamad berkata demikian ketika menjawab pertanyaan Datuk Idris Ahmad (**PN-Bagan Serai**) berhubung strategi KPKM dalam memenuhi matlamat untuk mengurangkan import bawang sebanyak 30 peratus ketika ini.

Dalam pada itu, beliau berkata, buat masa ini pihak kementerian memberi fokus kepada pembangunan tanaman bawang kecil sahaja memandangkan bawang besar dan bawang putih tidak boleh ditanam di Malaysia disebabkan keadaan iklim.



8 Nation

AT THE  
DEWAN RAKYAT

Reports by MARTIN CARVALHO, GER

# Govt trying to slice RM1.5bil onion import bill

MALAYSIANS consume onions worth more than RM1bil a year, said Datuk Seri Mohamad Sabu (*pic*).

"In 2022, Malaysia imported a total of 687,000 metric tonnes of onions worth RM1.58bil.

"Of this, 38 tonnes comprised shallots worth RM81.5mil to meet domestic demand," the Agriculture and Food Security Minister told Datuk Idris Ahmad (PN-Bagan Serai) in the Dewan Rakyat yesterday.

He said this would mean that each person consumed approximately 1.2kg of onions a year.

Mohamad said this food item is imported from India, the Netherlands, China, Thailand and Pakistan.

To address the issue of high import costs, he said the Malaysian Agricultural Research and Development Institute (Mardi) began its research and development in 2020 to produce suitable seedlings, particularly to grow shallots in Malaysia.

He said shallots were selected for research and development as large onions are not suitable for cultivation.

For the first phase between 2024 and 2025, it will involve 70,000 tonnes of shallot seedlings excluding 230kg from Mardi.

About 100ha of land will be used to grow shallots under the first phase of the project to produce some 1,000 tonnes.

"At present, shallots are being

planted on 1.2ha of land by Negri Sembilan and Selangor farmers associations and one hectare in Bikam Plantation in Perak.

"The first harvest is expected to be in April this year," he added.

Mohamad said that the second phase of the project, between 2026 and 2030, would involve the planting of shallots on 1,347ha of land.

He added that an estimated 14,470 tonnes of shallots, or about 30% of Malaysia's needs, would be locally grown by 2030.

"The cost for locally grown shallots may be higher than imported ones. But this must be done to ensure we have alternative shallot sources if there are sanctions or situations affecting supply from the source country," he said.

